

Dát gihpa lea fidnemis mángga gillii.
Gihppaga bábirháme fidnet dáppe: info@finans.dep.no

Loga eanet geatnegahttojuvvon bálvaluspenšuvnna birra dáppe:
www.pensjonsreform.no/otp



Geatnegahttojuvvon
bálvaluspenšuvdna
ásahuvvo 2006:s



RUHTADANDEPARTEMEANTA



Láhka geatnegahttojuvvon bálvaluspenšuvnna birra gustogodii ođđajagimánu 1. b. 2006 rájes

Láhka miellddisbuktá ahte eanaš bargoaddiin ferte leat bálvaluspenšuvdnaortnet bargiideaset várás. Bargoaddit geain jo ovdalis lea penšuvdnaortnet, feretjii fuolahit ahte ortnet duhtada lága uhcimugáibádusaid. Láhka ii gusto bargoaddiide geain lea penšuvdnaortnet stáhta dahje gielda bargiid lága dahje tariffašiehtadusa vuodul.

Geatnegahttojuvvon bálvaluspenšuvnna ásaheapmi lea dehálaš váikkuhus sihkkarastit buohkaide penšuvnna, ja dat sihkkarastá eanaš bargiide ahkepenšuvnna dinema álbmotoaju lassin.

Geatnegahttojuvvon bálvaluspenšuvnna birra

Bargoaddis ferte leat penšuvdnaortnet mii lea vuodđuduvvon juogo ruhtabidjamiidda dahje addosiidda. Attuspenšuvnna mihtilmasvuohta lea dat ahte dát penšuvdna lea meroštallojuvvon mearriduvvon attusin, dávjá dihto oassin lahtu báikkás go son olle penšuvdnaahká. Ruhtabidjanpenšuvnna oktavuodas máksá bargoaddi mearriduvvon jahkásaš ruhtabidjama. Dakkár ortnegiid mat leat vuodđuduvvon ruhtabidjamiidda, sáhttet bänkku, eallindáhkádussearvvit, penšuvdnakássat ja árvobábirfoanddaid hálldašansearvvit fállat. Dakkár ortnegiid, mat leat vuodđuduvvon addosiidda, sáhttet eallindáhkádussearvvit ja penšuvdnakássat fállat.

Bargoaddi galgá juohke jagi máksit ruda ortnegii, nu ahte bargit dinejit penšuvdna-vuoigatvuodaid. Ruhtabidjan galgá leat uhcimusat 2 proseantta dan báikkás mii lea 1 G ja 12 G (G = álbmotoaju vuoddosubmi) gaskkas dakkár ortnegis mii lea vuodđuduvvon ruhtabidjamiidda. Vástideaddji gáibádus gusto dakkár ortnegiidda, mat leat vuodđuduvvon addosiidda. Ruhtabidjama lassin galgá penšuvdnaortnegis leat dáhkádus mii addá bargái penšuvdnadietnasa jus son šaddá lámisin. Lea vejolaš doallat 20 jagi vuollásaš bargiid ja bargiid geain lea uhcit go 20 proseantasaš virgi, penšuvdnaortnega olggobealde.

Sáhtta mearriduvvot ahte bargi maiddá galgá veahkehit ruhtabidjamein iežas penšuvdnii, muhto dakkár attus ii vuolit bargoaddi ruhtabidjama uhcimugáibádusa. Bargoaddi ferte maiddá máksit penšuvdnaortnega hálldašangoluid.

Váldonjuolggadus lea ahte penšuvdna mii lea duohččasas, galgá máksojuvvot uhcimusat 10 jagi dan rájes go penšonista lea deavdán 67 jagi. Jahkásaš penšuvdnasturrodas sorjá mángga dilálašvuodas. Ruhtabidjanortnegiid penšuvdnamáksimat sorjáit ruhtabidjansturrodagas, sisamáksin jagiid logus, sisamáksjuvvon rudaid árvolassáneamis ja penšuvdnamáksima áigeguhtkodagas. Attusortnegiid oktavuodas mearriduvvo penšuvdna dábálaččat dihto oassin loahppabáikkás. Jahkásaš penšuvdna sorjá dalle das man guhká bargi lea bargan, ja su loahppabáikkás.

Bargoaddit geat galget ásahtit penšuvdnaortnega

Bargoaddiid- ja bargiidsearvvit sáhttet várre veahkehit eanet dieduiguin. Ollu searvvit soitet maiddá dahket šiehtadusaid lahtuideaset várás. Muđuid lea vejolaš váldit oktavuoda singuin geat fállat bálvaluspenšuvdnaortnegiid ruhtabidjamiid dahje addosiid vuodul.

Bargoaddit geain lea jo penšuvdnaortnet

Uhcimugáibádusat geatnegahttojuvvon bálvaluspenšuvdnii gustojit dábálaččat buot bargoaddiide, geaidda láhka guoská. Dat mearkkaša ahte maiddá bálvaluspenšuvdnaortnegat mat leat ásavuvvon ovdal go láhka geatnegahttojuvvon bálvaluspenšuvnna birra gustogodii, feretjii čuovvut mearriduvvon uhcimugáibádusaid. Danne ferte ge bargoaddi bearráigeahččat ahte ortnet čuovvu uhcimugáibádusaid.

Ortnet galgá gustogoahtit mañimusat suoidnemánu 1. b. 2006 rájes

Áigemearri ásahtit bálvaluspenšuvdnaortnega mii duhtada uhcimugáibádusaid, lea juovlamánu 31. b. 2006, muhto ortnegis galgá leat ekonomalaš váikkuhus bargiide mañimusat suoidnemánu 1. b. 2006 rájes.